

կաշիկ Բ Անեցին՝ Տարնտայի Թավրուրը, Դրի-
գոր Բ Վկայասերը՝ Մամեղավը:

Յանկայի էր հին հայկական այն անունները,
որոնք հնում ունեցել են հունարեն համարժեք-
ներ, բերվելին այդ ձևով և ոչ ժամանակակից
արևմտահայերեն արտասանությամբ:

Յանկայի էր նաև, որ հայերեն տերմիններին
կից, փակագծերի մեջ տրվեր նրանց հունարեն
թարգմանությունը: Այդ բանը կատարված է.

բայց հաղվադեպ (թարգմանված են Թիֆլիսի
հայ թերթերի անունները):

Նշված թերագրությունները, որ անխուսափելի են
նման մեծածավալ աշխատանքում, որակ չեն
կազմում, հեղատվյալում ուղղելի են: Մենք է
ցանկալի, որ Հ. Ղազարյանը նույն ոգևորու-
թյամբ ու պատասխանատվության ղգացումով
շարունակի իր շնորհակալ աշխատանքը:

Պատմ. գիտ. դոկտոր Հ. Մ. ԲԱՐԹԿՅԱՆ

ԴՐԱՄԱԳԻՏԱԿԱՆ ՄԵՐԱՐԺԵՔ ՀԱՎԱՔԱՅՈՒՆՆԵՐ

1980 թ. հունվարի 25-ին Երևանում բացվեց
Հայկական ՍՍՀ-ում առաջին դրամագիտական
ցուցահանդեսը, Դրամագիտությունը, որը նվ-
որայությամբ շուրջ 300 տարվա դարգացման ճա-
նապարհ է անցել, որպես գիտական մտքի աս-
պարեզ մեղանում նոր է: Դրամագիտական
նյութերի ցուցադրությունը երախտագիտության
ու հարգանքի տուրք էր բոլոր նրանց, ովքեր
իրենց ներդրումն են բերել և շարունակում են
նսյաստել Հայկական ՍՍՀ-ում դրամագիտու-
թյան դարգացմանը: Ցուցահանդեսում ներկա-
յացված էին հին և միջնադարյան մետաղա-
դրամների ու մեդալների բազմաթիվ նմուշներ:
Հիրավի, աշխարհի բոլոր երկրները չէ, որ կա-
րող են ներկայացնել հին հունական պոլիսնե-
րի, աքեմենյան Իրանի, Ալեքսանդր Մակեդո-
նացու, հռոմեական, պարթևական, սասանյան
ինքնակալների, Բյուզանդական կայսրության,
արաբական խալիֆայության, սելջուկյան պե-
տությունների, Կիլիկիայի հայկական թագավո-
րության, մոնղոլական խաների և շատ այլ
բազմալեզու արձանագրություններով ու պատ-
կերներով թողարկված դրամների բնորոշ տի-
պերը:

Դրամագիտական այդ նյութերը Հայաստա-
նին նվիրել են Եղիշիկ Գարազայանը (Ռուսի-
նիա, Բուխարեստ), Զարեհ Պտուկյանը (ԱՄՆ,
Նյու Յորք), Արմենակ Փուլադյանը (Լիբանան,
Բեյրութ), Փառանձեմ և Գեղամ Գալանյանները
(ԱՄՆ, Նյու Յորք), Հասմիկ և Երվանդ Ամա-
տունիները (ԱՄՆ, Ֆիլադելֆիա), Նապոլեոն
Բըլլիկյանը (Ֆրանսիա, Լիոն), Երվանդ և Ֆոն-
ֆոն Ալլեգանյանները (Ֆրանսիա, Նիոն), Հայկ և
Թորգոմ Ղազարոսյանները (Իտալիա, Սան Ռե-
մո) և ուրիշներ: Վերջին ժամանակներս հա-
վաքված շուրջ 17000 դրամներից ու մեդալ-
ներից ընտրվել էին հազարից ավելի նմուշ-
ներ, որոնք և ներկայացնում էին Սփյուռքի
հայերի նվերները մայր հայրենիքին նրա վե-
րածնդի 60-ամյակի շնամին: Այդ նյութերը
հնարավորություն ընձեռեցին կազմակերպելու

մի այնպիսի ցուցադրություն, ուր ներկայաց-
ված էին Միջերկրականի արևմտյան կողմերից
մինչև Հնդկաստանի հյուսիսն ընդգրկող եր-
կրներում պատմական տարրեր դարաշրջաննե-
րում թողարկված դրամական միավորները:
Դրանց կշռային չափերը, պատկերների ու մա-
կագրությունների հաղորդած տվյալները, շրջա-
նառության ոլորտներին, ինչպես նաև առանձին
գինաստիաների ծագմանը վերաբերող վկայու-
թյունները կարևոր նշանակություն ունեն պատ-
մական շատ հարցերի պարզաբանման համար:

Մի կողմ թողնելով մանրամասնությունները,
հարկ ենք համարում խոսել ցուցադրված ժո-
ղովածուներից մի քանիսի բովանդակության
մասին: Հիշատակության արժանի է Եգեիկ
Գարազայանի (Բուխարեստ) հին հունական
ոսկե ու արծաթե դրամների հավաքածուն, որի
շնորհիվ կարելի է տեսնել մ. թ. ա. VII—V դդ.
վերաբերող դրամական միավորներից առան-
ձին նմուշներ, թողարկված էգեյան ծովի ավա-
զանում, ինչպես նաև Փոքր Ասիայի հոնիական
վաճառաչա՝ քաղաքներում: Եթե նկատի առնվի,
որ հաստատուն կշռային չափերով, պետակա-
նորեն վավերացված մետաղե դրամները առա-
ջին անգամ հանդես են եկել հին հունական
քաղաքակրթության ոլորտում մ. թ. ա. VIII—
VII դդ. սահմանագլխին, ապա պարզ կդառնա
այն ներդրման արժեքը, որ ի դեմս Եղիշիկ Գա-
րազայանի կատարել է ուսման հաջող զարթ-
ոջախը Հայաստանում դրամագիտության զար-
գացման ուղղությամբ: Այսօր հին աշխարհի
դրամներով այնքան հարուստ կովկասյան
երկրներից միայն Հայաստանում են պահվում
էգիսյան ու ատտիկյան կշռային համակարգին
պատկանող վաղագույն դրամական միավոր-
ները: Բուն Ատտիկայի, Պելոպոնեսի, Մակե-
դոնիայի, Թրակիայի և հին հունական այլ
երկրամասերում թողարկված դասական ու
հելլենիստական պատկերագրության դրամանե-
րից, տետրադրամներից ու սոլիդներից բազ-

մաթիվ նմուշներից բացի նաև Գարագաշյանի հավաքած դրամների շարքում ներկայացված են նաև Հոռմի հանրապետության, ինչպես նաև կայսրության ժամանակներում թողարկված արծաթե ու ոսկե դրամների բազմաթիվ օրինակներ, որոնք հանգուցյալ հնասերը ամբողջությամբ նվիրել է մայր հայրենիքին:

Հիշյալ հավաքածուի մեջ կան նաև վաղ բյուզանդական հազվագյուտ ոսկե դրամներ, արևմտաեվրոպական և ռուսական արծաթե ու ոսկե միջնադարյան դրամներ: Առանց չափազանցության կարելի է ասել, որ միայն նմանիկ Գարագաշյանի նվիրած դրամագիտական հավաքածուն բավական էր, որ Հայաստանի պատմության թանգարանին ճանաչում բերեր հնագիտական աշխարհում:

Գրամագիտական երկրորդ խոշոր հավաքածուն պարունակում է Սիրիայում և հարևան երկրներում ժողովված ավելի քան 5000 արծաթե ու պղնձե դրամներ, ինչպես նաև շուրջ 300 արևելյան կնիքների օրինակներ: Այդ նյութերը մոտ 6 տասնամյակի ընթացքում հավաքել է դրամագետ Պերճ Կարապետյանը: 1971 թ. ալդ հարուստ հավաքածուն անցել է Ղազարոսյան եղբայրներին (Սան Ռեմո), որոնք և այն նվիրել են Հայաստանի պատմության թանգարանին: Վաղագույն դրամական միավորն այստեղ վերաբերում է մ. թ. ա. I դարին, իսկ նորագույնը՝ մեր օրերին: Բացառությամբ մի քանի սելեկյան, հայկական (արտաշեսյան) և Հայաստանին վերաբերող Հոռմի կայսրական դրամների, Ղազարոսյան եղբայրների դրամագիտական ժողովածուն բաղկացած է առավելապես միջնադարյան դրամներից: Դրանք իրենց հիմնական խմբերով ստորաբաժանվում են հետևյալ կերպ.

Սասանյան ինքնակալություն	5 դրամ
Բյուզանդական կայսրության	62 »
Արաբական խալիֆայության	1453 »
Էյբյուսյան տիրակալությունների	777 »
Մոնղոլական տիրակալությունների	137 »
Արաբական ամիրայությունների	130 »
Կիլիկիայի հայկական թագավորության	1463 »
Սելջուկյան տիրակալությունների	770 »
Խաչակիր ասպետների	115 »
Օսմանյան սուլթանների	432 »
Իրանական շահերի	27 »
Անտրոշ և մաշված	30 »

Հիշատակվածներից առավել խոշոր խմբերը ժամանակագրական առումով արտացոլում են Մերձավոր Արևելքի երկրներում կատարված անցյալի գրեթե բոլոր կարևոր իրադարձու-

թյունները, որոնք վերաբերում են դրամակառույցի սխեմաներին:

Հատկապես ուշագրավ են արաբական խալիֆայության օմայան և աբբասյան պղնձե արծաթե դրամները, ինչպես նաև խալիֆայության անկման տարիներին նրա տրոհմից առաջացած ամիրայությունների դրամական միավորները, որոնք ըստ արժանագրությունների տվյալներ են հաղորդում Սիրիայի, Իրանի, Իրաքի և միջինասիական երկրների վերաբերյալ: Հատկանշական է, որ արևելագիտության շատ կենտրոններ այսօրվա վիճակով չունեն արաբական խալիֆայության վաղ շրջանի՝ առաջին կողմից «նախադեմոսիան» դրամների այն մի շարք նմուշները, որոնք հիմա արդեն, շնորհիվ Ղազարոսյան եղբայրների, հանգրվանել են Հայաստանի պատմության թանգարանում:

Այդ ժողովածուի միջոցով կարելի է կոնկրետ պատկերացում ունենալ Խալանիայից մինչև Խորասան, Աղվանքից մինչև Պարսից ծոց հասնող հսկայական տարածքի վրա Օմայաններին ենթակա գրեթե բոլոր վաճառաշահ քաղաքներում թողարկված դրամների ընդունվող տվյալների մասին: Նույն հետևողականությամբ հավաքված են VIII—X դդ. Աբբասյան խալիֆաների, նրանց գահաժառանգների ու նահանգային կառավարիչների անուններով թողարկված դրամները: Մանրամասնությամբ դիտվում են նաև, Հայաստանում հազվագեղ, աշ-Շաշում, Սամարղանդում ու Բուխարայում թողարկված Սամանյան գահակալների, Հալեպում, Սոսուլում, Մոթլում և Միջագետքի այլ քաղաքներում դրվագված Համդանյանների, ինչպես նաև Շիրազում, Բաղդադում, Բասրայում, Կասի-տում, Ահվազում և Ֆարսի ու Իրաքի այլ քաղաքներում թողարկված Բուվեհյան ամիրաների դրամները: Ամիրայական այդ դրամների վրա նշված տեղանունները, անձնանուններն ու տարեթվերը հնարավորություն են ընձեռում ստուգելու դրավոր աղբյուրների հաղորդումները և կազմելու հիշյալ դինաստիաների ժամանակագրության ճշգրիտ ցուցակները: Ինչ վերաբերում է սելջուկյան, մոնղոլական, էյբյուսյան, թեմուրյան, օսմանյան և մանավանդ Կիլիկիայի հայկական թագավորության ռուբրիկային և հետևյալ դրամների հոծ խմբերին, ապա հաղիվ թե առանց դրանց օգտագործման հնարավոր լինի առաջիկայում ստեղծել լիարժեք դրամագիտական կատալոգներ ու քննական տեսություններ: Այդ առումով խիստ կարևոր է Ղազարոսյան եղբայրների նվիրած արևելյան դրամների ու կնիքների, ինչպես և ծագելի Գարագաշյանի հավաքածուները պատկերաղորդալեզուներով հրատարակելու գործը:

Իրրորդ հավաքածուն կազմված է Իրանի արևմտյան պետության (մ. թ. ա. VI—IV դդ.) արծաթե դրամների հաղվագյուտ նմուշներից՝ նվիրաբերված ծագումով կեսարացի, ներկայումս բնորոշված հնասեր Արմենակ Փոլադյանի կողմից: Ընդհանրապես Արեւմտյան գահակալների դրամները դասվում են բացառիկ թանգարանային արժեքների շարքը: Դրանք թողարկվել են առավելապես բուն Իրանից դուրս, փոքրասիական քաղաքներում և Միջագետքում, Հայաստանում և Կենտրոնական Իրանում այդ կարգի դրամները լայն տարածում չեն ունեցել: Նախահելլենիստական ժամանակներում դրանց շրջանառությունը եղել է Բաբելոնում, Եգիպտոսում, Փյունիկիայում և վերջինիս հարևան շուկաներում: Շահեկան է, որ այժմ արդեն Հայաստանի թանգարանում յոթ տարեկաններով կարելի է տեսնել հին պարսկական «սիրդ» կոչված արծաթե այդ արխայիկ դրամների մի բանի նմուշներ: Արմենակ Փոլադյանը դեռևս Հայրենական մեծ պատերազմի հաջորդական ավարտից հետո թանգարանին նվիրել է իր Անտիոքից (Սիրիա) ոչ շատ հեռու՝ «Կալինե» կոչված հնավայրում գտնված XIII դարի հայկական դրամների մի ամբողջական զանգված: Վերջինիս մասին ժամանակին հաղորդվել է, սակայն հարկ է երախտագիտությունը ավելացնել, որ այդ զանգվածի պարունակությունը հնարավորություն է ընձեռում դատել, որ ոչ միայն Կիլիկիայի հայկական թագավորության դրամական անտեքստիվային, այլև Իլիոնիայի սուլթանության հետ ունեցած նրա հարաբերությունների մասին: Արմենակ Փոլադյանը Հայաստանին նվիրել է նաև XII—XIV դդ. ոսկե ու արծաթե դրամների այլ հավաքածուներ, որոնք ներկայումս ուսումնասիրվում են:

Կարևոր պիտի համարել նաև մ. թ. ա. II դարի Մոսիսի հայոց թագավոր Քսերքսեսի պատկերով և նրա անվան հոմարեն գրությամբ հաղվագյուտ պղնձե դրամը, որ նվիրաբերել են Փառանձեմ ու Գեղամ Գալաճյանները (Նյու Յորք): Նրանք նվիրել են նաև նույնքան հաղվագյուտ այլ հայկական դրամներ: Սակայն դրանց շարքում արտակարգ է Արտավազդ II «արքայից արքայի» պատկերով պղնձե դրամը: Վերջինս զրվագվել է հին փյունիկյան դրամի հատածույլը (կտրակը) օգտագործելու միջոցով, չսխիքն հարթել են նրա վրա նախապես եղած պատկերներն ու գրությունները և զրոշմել նորը՝ Արտավազդ II-ի դիմաքանդակը, ըստ որում, նոր զրոշմի տակից նշմարելի են փյունիկյան մնացորդները: Որտե՞ղ և ի՞նչ պայմաններում է գտնվել Արտավազդ II արքայի տվյալ դրամը՝ տեղեկություններ չկան: Սա-

կայն հավանական պիտի համարել այն ենթադրությունը, որ տեղական շուկայի կարիքների համար թողարկված պղնձե դրամները սովորաբար շրջանառության մեջ էին լինում իրենց զրվագման վարկերում, տվյալ դեպքում՝ սիրիա-փյունիկյան շրջաններում, որ մ. թ. ա. 40 թ. հայ-պարթևական զորքերը նվաճել էին սիրիական, փյունիկյան և պաղեստինյան մի շարք քաղաքներ: Բացառված չէ, որ Արտավազդ II արքայի պատկերը հենց այդ ժամանակ կարող էր զրոշվել փյունիկյան դրամի վրա:

Գալաճյանների հավաքածուի մեջ կան նաև Անտիոքում և Դամասկոսում թողարկված Տիգրան Մեծի պատկերով արծաթե ու պղնձե դրամներ, որոնց տարբերակները համալրեցին այդօրինակ նյութերի շարքը: Տիգրան Մեծի պատկերով սիրիական թողարկման դրամներ Հայաստանի թանգարանին նվիրել է նաև Գրիգոր Մազլումյանը (Սիրիա, Հալեպ)², ինչպես Գալաճյան ամուսինները, այնպես էլ Գրիգոր Մազլումյանը հելլենիստական դարաշրջանի հայկական դրամներից բացի թանգարանին նվիրել են նաև Կիլիկիայի հայ գահակալների դրամների բավական սովորական հավաքածուներ: Բացի հիշատակվածներից, Կիլիկիայի հայկական դրամների հարուստ հավաքածուներ են նվիրել նաև Զարեհ Պետուկյանը, Միսակ Ժեմա-հիրճյանը, Հասմիկ և Երվանդ Ամատունի ամուսինները և շատ ուրիշներ: Պատկերազարդության տվյալներով ինչպես այդ, այնպես էլ հելլենիստական ու հռոմեական դրամները հաճախ հանդես են բերված կրկնություններով, այսինքն նույն տիպի միավորը՝ բազմաթիվ օրինակներով:

Դրամագիտական բոլոր նյութերն իրենց ներքին ստորաբաժանումներով ներկայումս մշակվում են հրատարակելու համար: Նկատի են առնված ոչ միայն դրամների, այլև մեդալների, այն հավաքածուները, որոնք կենտրոնացվել են Հայաստանի պատմության թանգարանում:

Հատուկ քննության առարկա է ծագումով մայաթիացի, ներկայումս Լիոն քաղաքի բնակիչ Նապոլեոն Բելլըկյանի նվիրած ֆրանսիական մեդալների հավաքածուն:

Ցուցահանդեսի փակումից հետո թանգարանին նվիրաբերվեցին դրամների նոր հավաքածուներ, որոնց հարկ է անդրադառնալ:

1 Տե՛ս Հ ա կ ո յ Մ անասյան, Կրկն. հատ. Ա, Երևան, 1977, էջ 254—255:

2 Գրիգոր Մազլումյանի՝ նվիրած. Դրամագիտական նյութերի մասին տե՛ս «Հայրենիքի ձայն» շաբաթաթերթում, 1979 թ. դեկտեմբերի 1979:

Զարեհ Պտուկյանը պարբերաբար դրամագիտական մեծարժեք նյութերով հարստացնում է մեր թանգարանը: Տակավին վերջերս Սփյուռքահայության հետ մշակութային կապի կոմիտեի միջոցով Զարեհ Պտուկյանը նվիրեց դրամագիտական մի փոքրիկ ժողովածու, որը լուրջ ներդրում է Հայկական ՍՍՀ թանգարանային ֆոնդերի համալրման գործում: Նվիրաբերված են բացառապես արտաշեսյան պղնձե դրամներ, որոնք իրենց պատկերազրույթյան տվյալներով ըստ զահակյանների՝ ստորաբաժանվում են հետևյալ ձևով.

Տիգրան I (123—96)	2 հատ
Տիգրան II (95—56)	17 »
Արտավազդ II (55—34)	1 »
Արտաշես II (30—20)	1 »
Տիգրան III (20—8)	2 »
Տիգրան IV (8—5)	4 »
Արտավազդ III (5—2)	1 »
Տիգրան IV և էրատո (2—1)	1 »

Բացի Տիգրան Մեծի դրամներից, բոլոր մնացած Արտաշեսյան զահակյանների դրամները հազվագյուտ են: Արքայական և զիցական պատկերներով արտաշեսյան այս դրամները լինելով պղնձից, առավելապես ներքին շուկայի կարիքների համար են թողարկվել: Յուրաքանչյուրի վրա, զահակյան պատկերից բացի դրոշմված են նաև նախաքրիստոնեական ժամանակներում հայերի մեջ ընդունված հավատալիքների վերաբերող նշաններ: Արտաշեսյան պղնձե դրամների վրա է, որ առավել շատ երկրի ներքին կյանքին վերաբերող զիցական պատկերներ են հանդես բերվել: Պարզ դիտվում են Վահագնի, Պողոսի, Հաղթանակի, Առատության և այլ զիցական կերպարներ, ինչպես նաև խորհրդանշաններ՝ կենաց ծառ, հատկ, ամաղթեղջյուր, ձի, առյուծ, արծիվ և այլն: Այդ առումով էլ հիշյալ դրամները իրենց ժամանակը ներկայացնող անմիջական վկայություններ են հելլենիստական դարաշրջանում ստեղծված հայկական պետության վերաբերյալ: Շնորհիվ այդ հավաքածուի հնարավոր դարձավ Հայաստանում տեսնել Տիգրան I հայոց արքայի դիմաքանդակը և նրա անվան ու տիտղոսի «Թագավորի Մեծի Տիգրանի հելլենասերի» հունարեն արձանագրությունը, ինչպես նաև՝ հեթանոսական զիցարանին վերաբերող նշանները, Դժբախտաբար Տիգրան I-ի զահակայության տարիներին թողարկված դրամներից ընդհանրապես շատ քիչ նմուշներ են պահպանվել: Նկատելի է, որ Արտաշեսյանների տիրապետության հյուսիս-արևելյան շրջաններում նրանց պղնձե դրամների

տարածման մասին դատելու հնարավորությունները սահմանափակ են: Արտաշատի հնագիտական պեղումներից ի հայտ եկած նոր նյութերը թերևս առաջիկայում հնարավորություն ընձեռեն ուղղագծելու հին հայկական պղնձե դրամների շրջանառության ոլորտը: Սակայն ցարդ հրապարակված տվյալները ցույց են տալիս, որ Տիգրան I-ի պատկերով պղնձե դրամները ի հայտ են եկել առավելապես Մեծ Հայքի հարավ-արևմուտքում, Աղձնիքից դեպի Միդդոնիա ձգվող տարածքի վրա. վաճառահաճ Մծբին քաղաքին մոտ վայրերում: Արտաշեսյան դրամների զանգվածային թողարկումը կատարվել է Տիգրան Մեծի զահակայության տարիներին (95—56) և միանգամայն օրինալի է, որ այդ տարիներից ալեկի շատ դրամական միավորներ են պահպանվել: Ալեկին, ի տարբերություն իր բոլոր նախորդների ու հաջորդների, Տիգրան Մեծը տասը տարուց ալեկի հանդիսացել է ոչ միայն Հայաստանի, այլև միաժամանակ Ասորիքի թագավոր: Ասորիքի վաճառահաճ քաղաքներում, մասնավորապես Անտիոքում և Դամասկոսում մ. թ. ա. 83—69 թթ. Տիգրան Մեծի պատկերով դրամներ են թողարկվել: Այդ քաղաքները տնտեսական կյանքի պահանջով բյուրավոր թվերով կապված են եղել Միջերկրականի արևելյան ու արևմտյան շուկաների հետ: Ասորիքում, մինչև Տիգրան Մեծը, դրամագործությունը զարգացման դարավոր փուլում էր:

2. Պտուկյանը նվիրել է այնպիսի տիգրանյան դրամներ, որոնք դրվագվել են առավելապես ասորոց քաղաքներում: Դրանց վրա պատկերված է մի կողմից՝ Տիգրան Մեծի կիսանդրին, հինավուրց հայկական թագը գլխին, իսկ մյուս կողմից՝ պաշտամունքային կերպարանքներ ու նշաններ և հունարեն արձանագրություններ: Կան նաև դրամներ, որոնց թողարկումը կատարվել է բուն Հայաստանում: Այդպիսիների վրա Տիգրան Մեծը ներկայացված է իր «արքայից արքա» տիտղոսի հունարեն արձանագրությամբ: Ուշագրավ է, որ քանակապես շատ են այն դրամները, որոնց վրա Տիգրան Մեծի դիմաքանդակին զուգահեռ, նրա հակառակ կողմի վրա պատկերված է հաղթանակի թևավոր զիցուհու կերպարանքը (նիկե): Դրանց թողարկմամբ Արտաշեսյանները նպատակ են ունեցել հաղորդելու իրենց հաղթանակների մասին՝ կատարված Տիգրան Մեծի զահակայության տարիներին, մասնավորապես մ. թ. ա. 80—70-ական թթ.: Սակայն հաղթանակների առթիվ մասսայաբար թողարկված դրամներից բացի, հավաքածուի մեջ առկա են նաև հազվագյուտ դրամներ: Այսպիսին է ցորենի հասկի

և Տիգրան Մեծի պատկերով ու նրա անվան հիշատակությամբ զրամբու Ցորենի հասկը պատկերներով նշան էր՝ կապված երկրի մայր դիցուհու պաշտամունքի հետ։ Արտաշեսյանների ժամանակներում Հայաստանի տնտեսական կյանքում հացահատիկի մշակությունը կարևոր դեր ու նշանակություն ուներ։ Կարևոր պիտի համարել նաև Զ. Պտուկյանի վերջերս նվիրած դրամներից այն օրինակները, որոնց վրա Տիգրան Մեծի պատկերից բացի զրվագված է առասպելական հերոս Վահագնի կերպարանը։ Հեթանոսական հավատալիքներում հրաշապատված կիսամարդ-կիսաստված Վահագնը հայոց մեջ օժտված էր նույն բարեմասնություններով, ինչ հունաց մեջ Հերակլեսը։ Վերջինիս կերպարանը հելլենիստական քանդակներում դիտվում էր առավելապես մերկա-մարմին տեսքով։ Այդ նույն տեսքով էլ Վահագնը պատկերված է Տիգրան Մեծի դրամների վրա, ղեմքով ղեպի միապետի անունն ու տիտղոսը հիշատակող հունարեն դրությունը։ Ողջ հասակով, մերկամարմին տեսքով առասպելական հերոսի պատկերման այդ ձևը նորություն չէր։ Այն հայտնի էր անցյալներում՝ արեմենյան սատրապ Տիրիբադոսի և այնուհետև պարթևաց Միհրդատ I-ի դրամներից։

Տիգրան—Վահագն պատկերներով դրամների վրա հայոց միապետը ներկայացված է «արքայից արքա» տիտղոսի հունարեն գրությամբ։ Պարթևներից նվաճած այդ տիտղոսը սխրանք էր համարվում և Արտաշեսյանները Վահագնի պատկերով ընդգծում էին իրենց արքայի արժանապատվությունը։ Այդ նույն տիտղոսի հիշատակությամբ թողարկված այլ դրամների վրա Տիգրան Մեծի դիմաքանդակն ուղեկցվում է առատության եղջյուրի պատկերով։ Այս միջոցով շեշտվում էր այն միտքը, թե Տիգրան Մեծի օրոք նրա թագավորության մեջ առատություն է եղել։ Կան նաև միապետության գլխավոր քաղաքների մայր դիցուհիների պատկերներով դրամներ՝ թողարկված տարբեր փորագրության կնիքների դրոշմով։ Հարկ է ընդգծել, որ քաղաքամայր դիցուհիների կերպարանները, որոնք երբեմն դիտվում են հելլենիստական դրամների վրա, առաջին անգամ հանդես են եկել Տիգրան Մեծի օրոք։ Այդ ժամանակներում երկիրը հովանավորող մայր դիցուհու պաշտամունքը պետական երկրպագության աստիճանի էր բարձրացվել։ Դրամների վրա այն պատկերվում էր խաղաղ դիրքով բարձրության վրա նստած, ողջ մարմնով նուրբ ծիրանու մեջ պարուրված, մի ձեռքին ցորենի հասկ բռնած, որպես պողաբերության նշան, իսկ մյուսը՝ հենած իր գահույթին, որից ներքև

դիտվում է լողացող մերկամարմին տղամարդու կերպարանը, որպես հոսող ջրի խորոհանք։ Հողի և ջրի պաշտամունքի այս ձևավորումը նտագալում նաև եկավ իր տարբերակներով։ Այն իրողությունը, որ դիցուհու դուխը սովորաբար զարգարվում էր աշտարակաձև թագով՝ քաղաքային միջնաբերդի պահպանները հիշատակելու նշան էր, իսկ միջնաբերդի պարիսպներից ներս տեղավորված էին լինում արքունական ապարանքները, դիվանատունը, կայազորը, փողերանոցը, պաշտամունքային մեհյանները, կառավարչական հաստատությունները և այլն։ Տիգրան Մեծի պատկերով այդօրինակ դրամները թողարկվում էին Արտաշատում, Տիգրանակերտում, Անտիոքում և Դամասկոսում։ Նկատենք, որ Դամասկոսի դրամների վրա մայր դիցուհին պատկերվում էր առատության եղջյուրը կրծքին մոտ բռնած դիրքով։

Հռոմեական տիրապետության ժամանակներում Հայաստանին վերաբերող դրամների վրա մայր դիցուհու հիշյալ կերպարանը որոշ ձևափոխությամբ էր ներկայացվում։ Այն ևս պատկերվում էր դրամի երկրորդ կողմի դաշտի կենտրոնում, բայց ոչ թե բարձրության վրա խաղաղ դիրքով վեհորեն բազմած, այլ գետնի վրա, գլխիկոր վիճակում նստած կերպարանքով, ըստ որում դիցուհու գլխին այլևս չէր լինում միջնաբերդը հիշեցնող աշտարակաձև թագը։ Հռոմեական այդ պատկերն ըստ էության խորհրդանշում էր պարտված մայր Հայաստանը։ Տարիներ առաջ այդօրինակ դրամներ ևս նվիրաբերվել էին Հայաստանի թանգարանին։ Զ. Պտուկյանի նվիրած դրամներից խիստ հազվագյուտ են նաև այն օրինակները, որոնց վրա մի կողմից դրոշմված է Տիգրան Մեծի պատկերը, իսկ մյուս կողմից՝ Կոմմագենեի Անտիոքոս թագավորի անվան հունարեն գրությունը։ Դրանք փաստեր են հայ-կոմմագենյան հարաբերությունների պատմությունից։ Նկատենք, որ Արտավազդ II հայոց արքայի (56—34) ողբերգական մահից հետո նրա որդու՝ Արտաշես II արքայի (30—20) գահակալության տարիներից նյութական մշակույթի անմիջական վկայություններ գրեթե չեն պահպանվել։ Հետևաբար մեծաթվա պետք է համարել Զ. Պտուկյանի նվիրած պղնձ դրամը Արտաշես II-ի պատկերով։ Համաշխարհային առումով հայտնի են ընդամենը հինգ նմուշներ, որոնցից մեկը ներկայումս արդեն պահվում է Հայաստանի պատմության պետական թանգարանում։ Քաղաքական պատմության տեսակետից այդ դրամը հիշատակ է մնացել մաքառումների այն տարիներից, երբ Արտաշեսյանների գլխավորությամբ հայ ժողովուրդը վճռեց իր երկրից

Հոռմեական զավթիչներին և մի փոքր շունչ բաշեց, թեկուզ շատ կարծատե ժամանակով վերականգնեց յուր պետական անկախությունը։ Սակայն այդ անկախությունը եղավ Արտաշեսյանների թագավորության մայրամուտին և էպպես կապված է հայերի համար նվիրական Արտաշես II հայրենասեր արքայի մարտնչող գործունեության հետ՝ ուղղված հոռմեական նվաճողների դեմ։ Նվիրաբերված արտաշեսյան դրամների շարքից ուշագրավ է «արքայի Մեծի Տիգրանի աստծո» հունարեն արձանագրությանը Տիգրան III հայոց թագավորին (20—8) վերադրված պղնձե դրամը։ Միապետին աստվածացնելու այդ պաշտոնական տիտղոսաձևը հելլենիստական աշխարհում նորություն չէր։ Պատահական չէր նաև, որ այն արձանագրվում էր դրամի կենտրոնում պատկերված քայլող ձիու շուրջը։ Ձիու պատկեր-խորհրդանշը կապվում է հայոց հեթանոսական հավատալիքների, մասնավորապես արևի պաշտամունքի հետ։ Ի վերջո, պատկերների ու գրությունների շուրս տարբերակներով ներկայացված են Տիգրան IV (8—5) արքայի զահակալության առաջին շրջանի դրամները։ Ի տարբերություն իր հոր՝ Տիգրան III-ի և պապի՝ Արտավազդ II «արքայից արքայի», Տիգրան IV-ը մորուքավոր է, այսինքն ներկայացված է այնպիսի տեսքով, որպես ընդունված էր պարթևաց թագավորների մոտ։ Արևմուտքի հելլենիստական պատկերների ավանդական ձևից շեղված և Արևելքի, մասնավորապես Հայաստանին անմիջապեսորեն հարևան Պարթևաստանի միապետներին նմանվելու այդ ձևը արտակարգ էր հայոց արքայական դիմաքանդակների շարքում։ Այդ նույն տեսքով պատկերվում էր Տիգրան IV հայոց արքան նաև իր զահակալության երկրորդ շրջանում (մ. թ. ա. 2—մ. թ. 1 թթ.), բայց ոչ միայնակ, այլ քրոջ՝ Էրատոյի հետ։ Թագավոր-թագուհու միասնական պատկերով դրամների թողարկումը հելլենիստական Արևելքում հազվագեյտ էր։ Հայաստանում այն եղավ բացառիկ և կրկնվեց մոտ մ. թ. 6 թ., Տիգրան V արքայի օրոք, սակայն ոչ զույգ դիմաքանդակների միատեղ տեսքով, այլ առանձին-առանձին, այսինքն դրամի մի կողմին՝ Տիգրան V-ի, իսկ մյուս կողմին՝ Էրատո թագուհու պատկերով։ Ի տարբերություն Տիգրան IV-ի, նրա զահաժառանգի տարիներին թողարկված դրամների վրա Էրատոյի անունը հիշատակվում էր որպես Տիգրան թագավորի քրոջ, ըստ որում այդ հիշատակությունը հունարեն նշվում էր Էրատոյի պատկերի շուրջ, այնպես, ինչպես Տիգրան V արքայի պատկերի շուրջ նշվում էր նրա տիտղոսը «ԱՐՔԱՅԻՑ ԱՐՔԱ» և կամ «ՄԵՄ

ԱՐՔԱ» ձևով։ Տիգրան—Էրատո կիսադեմ զույգ պատկերներով դրամների հակառակ կողմերին դրոշմված էր առատության դիցուհու կերպարանքը նստած դիրքով։ Պատկերագրության այդ ձևը բնորոշ էր Դամասկոսում թողարկված դրամներին, որոնք դրվագվում էին դեռևս Տիգրան Մեծի ժամանակներում։ Իբրև հազվագյուտ նմուշ հավաքածուի մեջ կա նաև Արտավազդ III հայոց արքայի (5—2) դրամը։ Վերջինիս վրա արքայից բացի կենտրոնական դիրքով պատկերված է նաև Աթենաս դիցուհին իր պաշտամունքի հիմնական նշաններով՝ սաղավարտով, նիզակով ու վահանով։ Ըստ որում Աթենասի կերպարանքի շուրջ ընթերցվում է «ԱՐՔԱՅԻ ՄԵՄԻ ԱՐՏԱՎԱԶԴԻ» հունարեն գրությունը։

Զ. Պտուկյանի նվիրած հին հայկական դրամների հիշյալ օրինակներից բացի Արտաշեսյան թագավորության պղնձե դրամներ են նվիրել նաև Անդրանիկ Այվազյանը և Նշան Կենճոյանը (Սիրիա)։ Դրանք առավելապես Անտիոք և Դամասկոս քաղաքներում թողարկված Տիգրան Մեծի պատկերով քաղկոսներ են։ Սակայն կան նաև Տիգրան Մեծի հոր՝ Տիգրան I-ի (123—96), թոռան՝ Տիգրան III-ի (20—8) և ծոռան՝ Տիգրան IV-ի (8—5) պատկերներով պղնձե դրամներից առանձին նմուշներ, որոնցով համարվեց Արտաշեսյան դրամների հավաքածուն։ Հելլենիստական դարաշրջանի հայկական ծագում ունեցող դրամներից զատ նվիրաբերվել են մակեդոնական, սելևկյան, հոռմեական, մասնավորապես Միջագետքի և սիրիա-փյունիկյան քաղաքներում թողարկված հոռմեական պղնձե դրամներ։ Անդրանիկ Այվազյանի և Նշան Կենճոյանի նվիրած նյութերի մեջ առկա են Անտիոքում դրվագված հոռմեական դրամներ ներոնի (54—68), Սեպտիմոս Սելվերոսի (193—211), Լիցինիոսի (308—324), ինչպես նաև բյուզանդական դրամներ կոստանդին (324—337), Արկադիոս (395—408), Թեոդոսիոս (408—450), Հուստինիանոս (527—565), Հերակլես (610—640) և այլ կայսրերի պատկերներով։ Հիշատակելի են նաև Օսրոենի Աբգարյան թագավորների պղնձե դրամների շարքից Հ. Ղալաշյանի (Նյու Յորք) նվիրած հազվագյուտ օրինակները։ Տարբեր սոցիալ-տնտեսական ֆորմացիաներում գործառական նշանակություն ունեցած այդ բոլոր դրամական միավորները ներկայումս ուսումնասիրվում են առաջին հերթին նրանց պատկերագրության ընդհանուր տվյալները ներկայացնելու նպատակով։

Պատ. գիտ. դոկտոր Խ. Ա. ՄԱՆՇԵՆՅԱՆ